

INFORMASAUN BADAK

Revizaun Periódika Universál (RPU) – Konsellu Direitus Umanus

Modalidade Plenária Konsellu Direitus Umanus ba Estadu ne'ebé hetan Revizaun

Tuir oráriu provizóriu, adosaun ba rezultadu Timor-Leste nian sei hala'o iha loron 16 fulan Marsu tuku 11 dadeer (sei konfirma)

Iha fulan Marsu (sei konfirma), Konsellu Direitus Umanu sei formalmente adota Relatóriu kona-ba Resultadu RPU nian ba Timor-Leste durante ninia Sesaun Plenária.

Konsellu Direitus Umanus nia Grupu Serbisu RPU halo Revizaun Periódika Universál iha loron 12 fulan Outubru tinan 2011. **Plenária ba Konsellu Direitus Umanus** sei diskute no adota rezultadu husi revizaun ne'e. Tuir oráriu, plenária ne'e sei hala'o iha loron **16 fulan Marsu tinan 2012 (sei konfirma)** no sei la'o durante oras ida.

Iha Konsellu Direitus Umanus nia Sesaun Plenária, Timor-Leste sei hetan biban atu responde ba pergunta no rekomendasaun ne'ebé seidak diskute durante sesaun Grupu Serbisu nian.

Iha loron 12 fulan Outubru tinan 2011, Grupu Serbisu RPU realiza ona Revizaun Periódiku Universál ba Timor-Leste (grupu ne'e kompostu husi membru na'in-47 husi Konsellu Direitus Umanus no Estadu Membru ONU nian seluk ne'ebé interesadu (Estadu Observadór) liuhosi diálogu interativu ida ho delegasaun Governu Timor-Leste nian.

Durante diálogu no iha Relatóriu Nasionál, delegasaun Timor-Leste nian deklara asaun saida mak foti ona hodi hadi'ak situasaun direitus umanus iha nasaun ne'e no hodi prenxe obrigasaun direitus umanus tuir lei direitus umanus internasionál. Estadu Membru balu mak halo ona deklarasaun no rekomendasaun.

*Husi rekomendasaun 125, Timor-Leste aseita 46 no rejeita 1, enkuantu konsidera katak rekomendasaun 42 mak implementa ona ka sei iha prosesu implementasaun. **Rekomendasaun 36 sei presiza atu responde iha Plenária Konsellu Direitus Umanus nian iha loron 16 fulan Marsu tinan 2012.***

ADOSAUN REZULTADU:

Sé mak bele ko'alia durante sesaun oras ida nian ne'ebé aloka ba Estadu ne'ebé hetan Revizaun?

- **Minutu 20 ba Estadu ne'ebé hetan Revizaun (Timor-Leste)**

Delegasaun Estadu hetan oportunidade atu apresenta resposta sira ba pergunta ba kestaun sira, atu deklara ninia pozisaun kona-ba rekomendasaun sira-ne'ebé seidak hatán, hodi espresa opiniaun sira kona-ba rezultadu no hodi fó komentáriu finál nian.

Baibain minutu 20 fahe hanesan tuir mai ne'e:

- Minutu 10 iha sesaun inísiu, Estadu ne'ebé hetan Revizaun bele responde ba pergunta ka kestaun sira no deklara ninia pozisaun kona-ba rekomendasaun sira-ne'ebé seidauk hatán:
- Minutu 10 iha sesaun nia rohan, atu fó komentáriu finál no konkluzaun.

- **Minutu 20 ba Membru Konsellu Direitus Umanus no Estadu Observadór sira**

Estadu Membru husi Konsellu, no mós Estadu Observadór, sei hetan oportunidade atu espresa sira-nia opiniaun kona-ba rezultadu husi revizaun.

- **Minutu 20 ba parte-interesada seluk**

Parte-interesada relevante seluk (hanesan PDHI no ONG sira ne'ebé akreditadu) sei hetan oportunidade hodi hato'o sira-nia komentáriu jerál molok plenária adota rezultadu.

Sumáriu kona-ba opiniaun sira ne'ebé hato'o ona kona-ba rezultadu husi revizaun ba Estadu ne'ebé hetan Revizaun no Membru Konsellu no Estadu Observadór, no mós komentáriu jerál ne'ebé hato'o husi parte-interesada relevante seluk molok plenária adota rezultadu, sei forma parte prinsipál husi **Relatóriu kona-ba Resultadu** husi revizaun ne'e.

**PREPARASAUN RESPOSTA ba REKOMENDASAUN sira husi ESTADU NE'EBÉ HETAN REVIZAUN
Oinsá Timor-Leste bele apresenta ninia opiniaun?**

Timor-Leste, depoizde revizaun no diskusaun iha governu no ho parte-interesada relevante seluk, hetan enkoraja hodi prepara resposta ida ba rekomendasaun sira, atu aseita rekomendasaun sira-ne'e ka lae.

Resposta ne'e bele fó hanesan tuir mai:

- Nu'udar **dokumentu eskrita** to'o liafuan 2.675 (maizumenus pájina lima) ne'ebé sei haruka ba Sekretariadu molok sesaun Plenária Konsellu Direitus Umanus nian no ne'ebé sei sai "apéndise" ida ba Grupu Serbisu nia Relatóriu, ka
- Oralmente** durante adosaun ba rezultadu iha sesaun plenária husi Konsellu Direitus Umanus.